

Latihan PDR Bahasa Melayu

NAMA: _____

S.P 4.1.1	Memahami dan mengapresiasi prosa moden dan prosa tradisional dengan menyatakan respons peribadi yang sesuai terhadap karya.
-----------	---



ARAHAN: Lengkapkan sinopsis prosa tradisional Kepimpinan Melalui Teladan dengan jawapan yang sesuai.

alat sulit	berkawal	Bendahara	tipu helah
menyamar	separuh	mengaku	menuntut bela
Seri Betara Majapahit	anggota tubuh	ilmu saktinya	Bukit Cina
lembing	penggawa agung	tiga bahagian	Temenggung
barisan pertahanan	pakaian serba hitam	Petala Bumi	dipalu

Cerita ini bermula dengan peristiwa _____ dan Patih Gajah Mada mendapat khabar sedih tentang kematian tujuh orang penjuritnya yang telah dibunuh oleh Laksamana di Melaka. Orang suruhan Patih Gajah Mada telah menemui Kertala Sari untuk menjemputnya ke kediaman Patih Gajah Mada. Kertala Sari diberitahu bahawa bapanya _____ telah mati di tangan Laksamana. Patih Gajah Mada telah membawa Kertala Sari berjumpa dengan Seri Betara di Istana Seri Betara, Majapahit. Seri Betara akan melantik Kertala Sari sebagai _____. Kertala Sari tidak mahu menerima jawatan tersebut hinggalah dia dapat membunuh Laksamana dan Raja Melaka. Mereka berbincang tentang cara-cara untuk membunuh Laksamana dan Raja Melaka sekali gus menumpaskan kerajaan Melaka. Seri Betara mengarahkan Kertala Sari ke Melaka untuk _____ atas kematian tujuh orang penjuritnya dengan cuba membunuh Ratu Melaka dan Laksamana.

Kertala Sari bersemangat waja dan bersedia untuk menjunjung perintah Seri Betara. Kertala Sari telah belayar ke Melaka bersama-sama sepuluh orang pengikutnya. Kertala Sari _____ sebagai orang Jawa untuk bersama-sama penduduk kampung yang berketurunan Jawa di Melaka. Kertala Sari telah menyamar sebagai orang Patih Kerma Wijaya. Dia telah berjaya mengecam Laksamana yang telah membunuh bapanya.

Pada suatu malam, Kertala Sari telah mencerooboh rumah seorang saudagar yang kaya. Semua harta benda milik saudagar itu telah disamun dan bini saudagar itu turut dicabul. Pada malam-malam berikutnya, Kertala Sari telah mencerooboh rumah saudagar dan orang kaya yang lain. Semua harta benda mereka itu disamun oleh Kertala Sari. Raja Melaka terkejut apabila dikhabarkan tentang kecurian itu. Baginda telah menitahkan _____ agar mengerahkan pengawal untuk _____ bagi menjaga keselamatan rumah-rumah dan kampung.

Pada malam yang berikutnya, Kertala Sari menggunakan _____ untuk menundukkan para pengawal yang berkawal di rumah orang kaya itu. Habis harta benda orang kaya itu dicurinya dan bini orang kaya itu turut dicabul oleh Kertala Sari. Sekali lagi, Raja Melaka mengarahkan Temenggung memperkukuh _____ bagi mengawal negeri Melaka daripada ancaman pencuri. Temenggung telah mengerahkan lima ratus orang pengawal menjaga negeri Melaka. Pada malam berikutnya, rumah _____ pula dimasuki pencuri. Laksamana memberitahu Raja bahawa pencuri yang sedang mengganas di Melaka mempunyai kuasa sakti dan berasal dari luar Melaka.

Laksamana memohon kebenaran Raja untuk mencuba menangkap pencuri itu. Laksamana memasang _____, tombak, dan kayu di keliling istana Raja Melaka. Laksamana mencuba mengalihkan perhatian Kertala Sari agar tidak memasuki istana Raja Melaka dengan tipu muslihat itu. Pada waktu malam, Laksamana memakai _____ dan dia ternampak Kertala Sari cuba memasuki istana Raja Melaka. Laksamana menyembunyikan dirinya untuk melihat perkembangan penjahat itu. Pada suatu malam, Kertala Sari cuba memasuki istana itu untuk mencuri dan mengganggu bini raja yang muda-muda itu. Ketika dia sampai di istana, dia terdengar bunyi senjata dan kayu yang _____ dengan begitu bising. Kertala Sari tidak jadi masuk ke istana Raja Melaka.

Laksamana membuat _____ dengan menyamar sebagai penjahat dan berbaring di tengah pasar pada suatu malam. Laksamana berjaya membunuh Kertala Sari dengan menikam dadanya. Selepas membunuh Kertala Sari, Laksamana telah mengambil keris dan memotong _____ Kertala Sari sebagai bukti bahawa dialah pembunuh Kertala Sari itu. Orang ramai menghadap Raja Melaka dengan membawa _____ Kertala Sari dan _____ bahawa merekalah yang membunuh Kertala Sari. Bendahara Melaka tidak mempercayai dakwaan mereka. Laksamana masuk menghadap Raja Melaka dengan membawa bukti keris dan alat sulit milik Kertala Sari yang telah dipotongnya. Raja Melaka menganugerahinya anugerah atas keberaniannya menewaskan Kertala Sari.

Raja Melaka menitahkan Bentara Tun Kasturi mengerahkan rakyat untuk mendapatkan harta yang dicuri dan disembunyikan oleh Kertala Sari di _____ semula. Raja Melaka mengagihkan segala harta yang diperoleh semula itu kepada _____, iaitu dua bahagian diberikan kepada Laksamana dan satu bahagian diserahkan kepada pemilik asal harta yang berkenaan. Semua rakyat bersetuju dengan cadangan raja itu. Laksamana telah mengagihkan pula _____ harta yang diterimanya itu kepada tiga bahagian. Negeri Melaka kembali aman dan sentosa selepas Kertala Sari berjaya dibunuh. Sementara itu, Patih Gajah Mada mendapat berita tentang kematian Kertala Sari yang dibunuh oleh Laksamana di Melaka. Patih Gajah Mada berusaha sedaya upaya untuk mencari hulubalang yang mampu membunuh Laksamana dan menawan negeri Melaka itu.



Terima kasih kerana
menyiapkan tugas.

I ♥ U So Much!
- Cikgu Ain